

sistere, non testem modo, sed Iudicem, in quo iustitia & misericordia summa est. Multæ sunt præterea magnificæ voces Epicuri, quas prosequi & longum est, & minimè necessarium, sed vna omnium regula est: sententia placet, auctor displicet. Quamuis enim illum, vt ait Cicero, & bonum virum, & communem & humanū fuisse nemo neget, bonū tamē Philosophum nullus affirmat, nisi in eadem nutritus voluptatis officina. Quoniam sententijs clarissimis abundans, eas (vt dixi) ad turpissimum finem refert: & hinc quidem ad vnius actus memoriam vocor, vbi spreto similiter auctorem legimus, manente sententia.

INDIDES LACEDAEMON.

IN consilio Lacedæmonienſi, de graui ac magna re disceptatio oborta, hæſitantes animos tenebat, cunctantibus cæteris, vitæ quidam & obscœnæ, sed luculentæ facundiæ, Reip. Consilium salutiferum fortè dederat, tam proprijs tamque sonantibus verbis, vt ab omnibus probaretur, quodque ille suaserat, iamiam in lege populi firmandum videretur: Dum in illius sententiam patroni omnes certatim irent. Indides vnus è senum numero, quibus

bus